

Inimik attartornermi peqqussutip atuuttumut allanngutissaanik kingusinnerpaamik 2010-mi upernaakkut Inatsisartut ataatsimiinneranni Naalakkersuisut saqqummeeqqul-lugit Inatsisartut aalajangiiffisassaattut siunnersuut, tamatuma kingorna qaammam-mut ineqarnermut akiliutaasartunut meeqlanut tapiissuteqartoqartassaaq, meeqlanut ataatsimut 18-it inorlugit ukiulimmut angerlarsimaffimmi najugalimmut 7,5%-imik, ineqarnermi qaammammut akiliutinut ilangataasartumik, taamaattorli meeqlat amerlanerpaamik arfiniliussallutik.

(Inatsisartuni Siumup Gruppia)

Akissuteqaat

(Ineqarnermut, Attaveqarnermut Angallannermullu Naalakkersuisoq)

Siullermeerneqarnera

Meeqlanut ataatsimut 18-it inorlugit ukiulimmut angerlarsimaffimmi najugalimmut 7,5%-imik ineqarnermut akiliutaasartunut meeqlanut tapiissutnik atuutsitsilertussamik Naalakker-suisut inissianik attartortitsinermut peqqussutip atuuttup allanngutissaanik siunnersuummik saqqummiusseqqullugit, Inatsisartuni Siumup ilaasortaatitai siunnersuuteqarput.

Ineqarnermut akiliutaasartunut meeqlanut tapiissutit, ineqarnerup annertuumik iluarsaateq-qinnejneranut Isumaginninnermut iluarsaaqqinnermut ataatsimiitaliarsuup ineqarnermut akiliutaasartunut meeqlanut tapiissutit, ineqarnermut tapeeriaatsinik annertuumik pitsanngoriartineqartunik taarserneqarnissaannik inassuteqaatai tunngavigalugit ingerlanneqartumut atatillugu 2001-imni atorunnaarsinneqarput.

Taamaalluni isumaginninnikkut isumannaallisaatinik, ilaqtariit isertitaat inoqutigiinnilu meeqlat amerlassusaat tunngavigerpiarlugit aalajangersarneqartunik pilersitsisoqarpoq, sior-natigut ineqarnermut akiliutaasartunut meeqlanut tapiissutit atuukkallarmata isertitat apeqqu-taatinnagit tamanut tapiissutaasarsimagaluarlutik.

Ineqarnermut akiliutaasartunut meeqlanut tapiissutit peerneqarnerisigut, inoqutigiit akissa-teqarnerusut inissiamik nammieq pigisassaminik pisinermikkut inissianik imminnut pilersorsinnaanerisa annertusineqartariaqarnera pisortat oqariartutigaat. Taamaalluni pisortat inissiaataat ilaqtariinnut, pisortat inissiaataanni utaqqisut allattorsimaffianni allatsissimasu-nut innersunneqarsinnaalerlutik atorunnaarneqartassapput.

Ineqarnermut akiliutaasartunut meeqlanut tapiissutit 2001-imni ineqarnermut tapeeriaatsinut pitsaunerusunut allanngortinneqarnerisigut, isertitakitsut akunnattumillu isertitallit iluaquser-neqarmata piviuuvvoq. Tassalu atugarissaarnerit meerartallit ineqarnermut akiliutaasartunut meeqlanut tapiissutit pissutigalugit pisortat inissiaataanni najugaqaannarnissamut kajumitsin-neqaannarsinnaajunnaarput. Tamatuma kingunerisaanik Kalaallit Nunaat tamaat eqqarsaatiga-lugu maannamut inissiat nammineerluni pigisat 600-t sinnerlugit sanaartorneqarsimapput.

Akissaatikinnerit akissaateqarnerillu akornanni assigiinngissut angivallaaleqqunagu isertita-kitsut akunnattunillu isertitaqartartut iluaquserneqartarnerisa ingerlaannarnissaa Naalakker-suisut kissaatigaat. Kisiannili qularinngilarput aaqqissuussinerit ineqarnermut akiiliutaasartu-

nut meeqqanut tapeeriaatsinit allaanerusut atorlugit suliniutit taakku tapersorsorneqarsinnaas-sasut tapersorsorneqartariaqartullu.

Ineqarnermut akiliutaasartunut meeqqanut tapiissutit atutseqqinnejalerluarpata, inissianik neqerooruteqartarnermi piumanninnermilu ajornartorsiutaasartut paasiumpinaallisussaapput, aammalu siunertaanngitsumik inuiaqatigiinni najukkatsinni innuttaasut atugarissaarnerit ilua-quserneqartussaallutik.

Naalakkersuisut taamatut naatsumik oqaaseqarlutik aalajangiiffigisassatut siunnersuutip tapersorsorneqannginnissaa inassutigaat.